

Tiga institusi jadi destinasi pengagihan Kit Ramadan

UB 29.04.2022 P.04

KOTA KINABALU: Madrasah Al Ikhwan Darul Ulum Sabah Taman Putera Perdana Telipok, Rumah Amal Kasih Kingfisher dan Desa Bina Diri Kota Kinabalu Manggatal menjadi destinasi pengagihan Program Kit Ramadan Pusat Penataran Ilmu dan Bahasa (PPIB), Universiti Malaysia Sabah (UMS) tahun ini.

Dekan PPIB Profesor Madya Dr. Lai Yew Meng yang mengetuai rombongan penyerahan sumbangan tersebut mengatakan program Sumbangan Kit Ramadan PPIB merupakan salah satu program libat sama komuniti luar dan tanggungjawab sosial korporat (CSR) tahunan yang memberi peluang kepada warga PPIB dan UMS sempena bulan yang mulia ini, untuk menghulurkan sumbangan kepada individu kurang berkemampuan.

Dr Lai mengucapkan syabas dan tahniah kepada penyumbang dan jawatankuasa pelaksana yang terlibat menjayakan program penyerahan sumbangan Kit Ramadan PPIB tahun ini.

Rombongan penyerahan sumbangan Kit Ramadan tahun 2022 melibatkan 17 kakitangan PPIB terdiri daripada pensyarah, guru bahasa dan kakitangan pentadbiran.

Semoga usaha sebegini akan diteruskan pada masa akan datang agar individu yang berkemampuan boleh mengambil peluang melalui program amal tersebut.

Pengerusi Jawatankuasa Libatsama dan Jaringan Komuniti (Organisasi Luar) PPIB Dr. Budi Anto Mohd Tamring yang bertindak sebagai pengerusi program tersebut berkata, program Kit Ramadan PPIB tahun



PRIHATIN: Dr Lai menyerahkan sumbangan kepada antara penerima di Desa Bina Diri Kota Kinabalu Menggatal.

2022 berjaya menerima sumbangan RM3,509.60 daripada kakitangan PPIB jabatan lain di UMS.

Sumbangan tersebut digunakan untuk membeli barang keperluan seperti beras, minyak masak, tepung, bawang, mi dan makanan keperluan

lain.

Barangan keperluan tersebut telah berjaya diagihkan kepada anak yatim, asnaf dan individu yang memerlukan bantuan.

Program Kit Ramadan tersebut diagihkan kepada penghuni Madrasah



ALBUM: Dr. Lai bersama rombongan bergambar sebelum bergerak mengagihkan sumbangan Kit Ramadan.

Al Ikhwan Darul Ulum Sabah Taman Putera Perdana Telipok yang melibatkan 30 pelajar dan tiga pengajar, penghuni rumah amal kasih Kingfisher yang

melibatkan 23 penghuni dan tujuh kakitangan serta penghuni rumah Desa Bina Diri Kota Kinabalu Manggatal seramai 13 orang terdiri daripada pengemis dan

orang papa.

Desa Bina Diri Kota Kinabalu ini juga mempunyai kaitangan seramai 24 orang untuk menguruskan fasiliti tersebut.



IKHLAS: Penyerahan sumbangan di Rumah Amal Kasih Kingfisher.



SUMBANGAN: Penyerahan sumbangan Di Madrasah Al Ikhwan Darul Ulum Taman Putera Perdana Telipok.



TERIMA KASIH: Haizal mewakili Madrasah Al-Ikhwan Darul Ulum mengucapkan terima kasih kepada penyumbang dan rombongan PPIB yang hadir ketika sesi penyerahan sumbangan.